

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20) i Odlukom Vlade Zeničko-dobojskog kantona, broj: 02-11-19762/20 od 23.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine **d o n o s i**

## **ZAKLJUČAK**

**o usvajanju Programa utroška sredstava po Odluci Vlade Zeničko-dobojskog kantona, broj: 02-11-19762/20 od 23.12.2020. godine, na poziciji „Ostali transferi za zdravstvo-tekući transfer zdravstvenim ustanovama za sprečavanje širenja bolesti izazvane corona viusom-COVID-19“ Ministarstva zdravstva**

### **I.**

Usvaja se Program utroška sredstava po Odluci Vlade Zeničko-dobojskog kantona, broj: 02-11-19762/20 od 23.12.2020. godine, na poziciji „Ostali transferi za zdravstvo-tekući transfer zdravstvenim ustanovama za sprečavanje širenja bolesti izazvane corona viusom-COVID-19“ Ministarstva zdravstva u iznosu od 2.000.000,00 KM (slovima: dvamiliona konvertibilnih maraka), koji čini sastavni dio ovog Zaključka.

### **II.**

Sredstva planirana Odlukom o uključivanju neplaniranih tekućih transfera u Budžet Zeničko-dobojskog kantona za 2020. godinu, utvrđena ovim Zaključkom su sredstva namijenjena za sanaciju posljedica nastalih usljed proglašene pandemije COVID-19.

### **III.**

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

### **IV.**

Zaključak stupa na snagu danom donošenja.

**PREMIJER**

po Odluci predsjedavajućeg Skupštine

*Mirnes Bašić*

Broj: 02-11-19935/20

Datum, 28.12.2020. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA**

**PROGRAM UTROŠKA SREDSTAVA  
PO ODLUCI VLADE ZENIČKO-DOBOJSKOG KANTONA  
BROJ: 02-11-19762/20 OD 23.12.2020. GODINE  
NA POZICIJI „OSTALI TRANSFERI ZA ZDRAVTSVO -TEKUĆI TRANSFER  
ZDRAVSTVENIM USTANOVAMA ZA SPREČAVANJE ŠIRENJA BOLESTI  
IZAZVNE CORONA VIRUSOM- COVID-19“ MINISTARSTVA ZDRAVSTVA**

**Zenica, decembar 2020. godine**

# I UVOD

## 1. Pravni osnov

Vlada Zeničko-dobojskog kantona je u skladu sa članom 45. stav (1) Zakona o izvršavanju Budžeta Zeničko-dobojskog kantona za 2020. godinu zaključkom broj: 02-11-5955/20 od 28.04.2020. godine usvojila Program utroška sredstava planiranih u Budžetu Zeničko-dobojskog kantona za 2020. godinu na poziciji „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane corona virusom- COVID-19“, u ukupnom iznosu od 650.000,00 KM kojim je planirana raspodjela sredstava zdravstvenim ustanovama, kao pomoć za suzbijanje širenja bolesti izazvane COVID-19. U skladu sa Programom Vlada Kantona donijela je Odluku o odobravanju sredstava broj: 02-11-6664/20 od 13.05.2020. godine u iznosu 638.705,00 KM, što je transferisano zdravstvenim ustanovama na području Zeničko-dobojskog kantona.

U cilju obezbjeđenja sredstava za hitnu nabavku testova, sa navedene pozicije izvršena je preraspodjela neutrošenih sredstava u iznosu od 11.000,00 KM na Kantonalnu upravu civilne zaštite.

Odlukom Vlade Federacije Bosne i Hercegovine od 29.07.2020. godine, utvrđena je raspodjela sredstava utvrđenih u Budžetu Federacije Bosne i Hercegovine, kojom se 200.000.000,00 KM sredstava aranžmana sa MMF -om, raspoređuje budžetima kantona za sanaciju posljedica nastalih usljed proglašene pandemije COVID-19.

U skladu sa navedenom Odlukom pripadajući dio sredstava raspoređen za Budžet Zeničko-dobojskog kantona iznosio je 31.878.226,00 KM ili 15,94%.

Ministarstvo zdravstva je dopisom broj: 11-11-19486/20 od 17.12.2020. godine uputilo zahtjev Uredu Premijera i Ministarstvu finansija za obezbjeđenjem dodatnih sredstava u Budžetu Zeničko-dobojskog kantona za 2020. godinu u iznosu od 2.000.000,00 KM na poziciji 614100- „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane corona virusom- COVID-19“.

Vlada Zeničko-dobojskog kantona, na prijedlog Ministarstva finansija donijela je Odluku o uključivanju neplaniranih tekućih transfera u Budžet Zeničko-dobojskog kantona za 2020. godinu., broj: 02-11-19762/20 od 23.12.2020. godine

Članom 2. Odluke o uključivanju neplaniranih tekućih transfera u Budžet Zeničko-dobojskog kantona za 2020. godinu propisano je da će se sredstva utrošiti na ime transfera zdravstvenim ustanovama, prema kriterijima koje utvrdi Ministarstvo zdravstva, a za namjenu sprečavanje širenja bolesti izazvane virusom COVID-19, odnosno za sanaciju posljedica nastalih usljed proglašene pandemije COVID-19.

Obzirom da su sredstva u Budžetu Zeničko-dobojskog kantona uvećana za 2.000.000,00 KM, a imaju namjenski karakter (za sanaciju posljedica nastalih usljed proglašene pandemije COVID-19), sukladno članu 45. stav (1) Zakona o izvršavanju Budžeta Zeničko-dobojskog kantona za 2020. godinu, stvorile su se pretpostavke za izradu posebnog Programa utroška sredstava.

## **2. Naziv Programa**

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po posebnom programu pod nazivom:

Program utroška sredstava po Odluci Vlade Zeničko-dobojskog kantona, broj:02-11-19762/20 od 23.12.2020. godine na poziciji „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane corona virusom- COVID-19“ Ministarstva zdravstva. (u daljem tekstu: Program).

## **3. Ciljevi Programa**

Tačkom I Odluke Vlade Federacije Bosne i Hercegovine o raspodjeli sredstava utvrđenih Budžetom Federacije Bosne i Hercegovine za 2020. godinu Federalnom ministarstvu finansija sa pozicije „Tekući transferi drugim nivoima vlasti i fondovima- sredstva iz RFI aranžmana sa MMF-om“ utvrđena je raspodjela sredstava na ime dodijele finansisjke pomoći budžetima kantona u sanaciji posljedica nastalih usljed proglašene pandemije COVID-19. Tačkom II Odluke raspoređena sredstva Budžetu Zeničko-dobojskog kantona iznose 31.878.226 KM.

Cilj donošenja Programa je finansijska pomoć zdravstvenim ustanovama u uslovima pandemije, a u cilju sanacije posljedica pandemije. Sve zdravstvene ustanove, u provođenju mjera zdravstvene zaštite i zbrinjavanju pozitivnih na COVID-19 imale su dodatne troškove, kako u organizacionom smislu, dodatnom angažovanju medicinskog osoblja, tako i u materijalnim sredstvima.

Ministarstvo zdravstva je dopisom broj: 11-33-123531/20 od 27.07.2020. godine dostavilo Federalnom ministarstvu zdravstva Informaciju o posljedicam djelovanja epidemije COVID-19 na zdravstvo u Zeničko-dobojskom kantonu, sa osvrtom na uticaj pandemije na prihode Kantonalnog zavoda zdravstvenog osiguranja, smanjenje prihoda zdravstvenih ustanova zbog nemogućnosti pružanja određenih zdravstvenih usluga, izdvajanja iz Budžeta Zeničko-dobojskog kantona koja su direktno vezana za COVID 19, a odnose se na zdravstvo, kao i dodatne troškove koje su zdravstvene ustanove imale u vezi pružanja usluga vezano za COVID-19.

Donošenjem Programa omogućuje se transparentan raspored sredstava koje predstavljaju finansijsku pomoć zdravstvenim ustanovama, koje su dale značajan doprinos u sprečavanju širenja bolesti izazvane corona virusom na području Zeničko-dobojskog kantona u toku 2020. godine.

## **4. Izvori sredstava**

Odluka Vlade Zeničko-dobojskog kantona u uključivanju neplaniranih tekućih transfera u Budžet Zeničko-dobojskog kantona za 2020. godinu, broj: 02-11-19762/20 od 23.12.2020. godine.

## 5. Korisnici Programa

Korisnici sredstava planiranih Programom su JU Kantonalna bolnica Zenica, JU Opća bolnica Tešanj, JU Institut za zdravlje i sigurnost hrane Zenica i domovi zdravlja sa područja Zeničko-dobojskog kantona.

## 6. Kriteriji za raspodjelu sredstava

U cilju transparentne raspodjele budžetskih sredstava, a cijeneći značaj i dodatne troškove koje su imale sve zdravstvene ustanove koje su korisnici Programa, kao i dosadašnja izdvajanja iz Budžeta Zeničko-dobojskog kantona vezana za COVID-19, za raspodjelu sredstava korišteni su sljedeći kriteriji:

- Dio sredstava u iznosu od **1.400.000,00 KM ili 70,0%** ukupnih sredstava raspoređuje se JU Kantonalna bolnica Zenica, JU Opća Bolnica Tešanj i JU Institut za zdravlje i sigurnost hrane Zenica na način da se 100.000,00 KM raspoređuje Institutu za zdravlje i sigurnost hrane Zenica, a preostalih 1.300.000,00 KM u omjeru 1,0: 2,7 između JU Opća bolnica Tešanj i JU Kantonalna bolnica Zenica.
- Dio sredstava u iznosu od **600.000,00 KM ili 30,0%** planiranih sredstava raspoređuje se svim domovima zdravlja korisnicima Programa na način da se 60,0% ili 360.000,00 KM ukupnih sredstava raspoređuje linearno po 30.000,00 KM po svakom domu zdravlja, a dio sredstava u iznosu od 240.000,00 KM ili 40,0 % raspoređuje se domovima zdravlja srazmjerno broju stanovnika koji gravitiraju svakom domu zdravlja na području Zeničko-dobojskog kantona. Podaci o broju stanovnika preuzeti su iz publikacije „Zeničko-dobojski kanton u brojkama 2020“, koju izdaje Federalni zavod za statistiku, u kojoj je na strani 12. data procjena ukupnog broja stanovnika po starosnoj strukturi sa stanjem 30.06.2019. godine.

## 7. PROGRAMI

### 7.1. **Financijska pomoć JU Kantonalna bolnica Zenica, JU Opća bolnica Tešanj i JU Institut za zdravlje i sigurnost hrane Zenica za sanaciju posljedica pandemije**

JU Kantonalna bolnica Zenica i JU Opća bolnica Tešanj su dvije zdravstvene ustanove koje su hospitalno zbrinjavale COVID-19 pozitivne pacijente i imale pored izdvajanja iz Budžeta Zeničko-dobojskog kantona, značajne troškove koji su direktno vezani za COVID 19, a opteretili su poslovanje ovih ustanova.

JU Kantonalna bolnica Zenica je i pored izdvajanja iz Budžeta Zeničko-dobojskog kantona za nabavku opreme, zaštitne opreme, kisika, PCR testova i potrošnog materijala i dr. imala dodatne troškove koji su se odnosili na: troškove lijekova i medicinskih sredstava, troškove prijema dodatnih radnika, troškove naknada za privremenu sprečenost za rad (Pravilnik o refundaciji bolovanja preko 42 dana), troškove zaštitne opreme,

troškove tehničkog materijala, materijala za čišćenje i dezinfekcionih sredstava, troškove hrane za smještaja COVID pozitivnih pacijenata, troškove nabavke kisika, troškove PCR testiranja uključujući troškove reagensa, potrošnog materijala i radne snage za uzorkovanje i obradu 9126 pacijenata, za koje je Odjel mikrobiologije izdao nalaze. Procijenjena ove zdravstvene ustanove je da ukupni dodatni toškovi (bez troškova za koje su već obezbjeđena sredstva iz Budžeta Zeničko-dobojskog kantona) iznose cca 2,7 mil KM. Pored navedenog ova zdravstvena ustanova, kao posljedicu smanjenja obima i vrste usluga koje pruža u redovnim uslovima, imala je smanjenje ostvarenja prihoda u procijenjenom iznosu od 1,3 mil KM.

JU Opća bolnica Tešanj je u periodu trajanja pandemije imala dodatne troškove u iznosu od 472.025,00 KM, koji su se odnosili na troškove sanitetskog materijala, troškove PCR testiranja, medicinskih plinova, održavanja čistoće, održavanje objekata i troškove dodatnog angažovanja radnika. Istovremeno je ostvareno smanjenje prihoda u iznosu od 761.404,00 KM.

JU Institut za zdravlje i sigurnost hrane Zenica poduzimao je niz aktivnosti na suzbijanju zaraze izazvane virusom COVID -19 i imao dodatne troškove čija je procijenjena 166.500,00 KM, a odnose se na nabavku zaštitne opreme, briseva, dezinfekcionih sredstava, korištenje vozila za dostavu uzoraka analize na COVID 19, angažman radnika, troškove vezane za rad karantina, kao i troškove nastale zbog preusmjeravanje radnika na aktivnosti vezane za suzbijanje širenja virusa COVID-19, odnosno nemogućnost obavljanja redovnih poslova.

Uzimajući u obzir navedeno finansijska pomoć zdravstvenim ustanovama je utvrđena u slijedećim iznosima:

Naziv zdravstvene ustanove	Ukupan iznos sredstava u KM
JU Kantonalna bolnica Zenica	950.000,00
JU Opća bolnica Tešanj	350.000,00
JU Institut za zdravlje i sigurnost hrane Zenica	100.000,00
<b>Ukupno</b>	<b>1.400.000,00</b>

## **7.2. Finansijska pomoć domovima zdravlja sa područja Zeničko-dobojskog kantona za sanaciju posljedica pandemije**

U skladu sa kriterijima raspodjele navedenim u tački 6. Programa u sljedećem tabelarnom pregledu dati su podaci o raspodjeli sredstava po pojedinačnim domovima zdravlja:

Naziv zdravstvene ustanove	Linearni iznos sredstava svim domovima zdravlja	Iznos sredstava svim domovima zdravlja srazmjerno broju stanovnika	Ukupan iznos sredstava u KM
1	2	3	4 (2+3)
Dom zdravlja Breza	30.000,00	9.070,00	39.070,00
Dom zdravlja Doboj Jug	30.000,00	2.730,00	32.730,00
Dom zdravlja Kakanj	30.000,00	24.835,00	54.835,00
Dom zdravlja Maglaj	30.000,00	15.225,00	45.225,00
Dom zdravlja Olovo	30.000,00	6.250,00	36.250,00
Dom zdravlja Tešanj	30.000,00	29.340,00	59.340,00
Dom zdravlja Usora	30.000,00	4.280,00	34.280,00
Dom zdravlja Vareš	30.000,00	5.260,00	35.260,00
Dom zdravlja Visoko	30.000,00	26.290,00	56.290,00
Dom zdravlja Zavidovići	30.000,00	23.500,00	53.500,00
Dom zdravlja Zenica	30.000,00	73.235,00	103.235,00
Dom zdravlja Žepče	30.000,00	19.985,00	49.985,00
<b>Ukupno</b>	<b>360.000,00</b>	<b>240.000,00</b>	<b>600.000,00</b>

Navedena finansijska sredstva bit će transferisana zdravstvenim ustanovama, nakon donošenja Programa i posebne odluke o odobranju sredstava.

**PREMIJER**  
po Odluci predsjedavajućeg Skupštine

*Mirnes Bašić*

Broj: 02-11-19935/20  
Datum, 28.12.2020. godine  
Zenica

DOSTAVLJENO:  
1x Ministarstvo zdravstva,  
1x Ministarstvo finansija,  
1x a/a.